

KJKP "VODOVOD I KANALIZACIJA" d.o.o. SARAJEVO
DIREKTOR
Izvod broj: KZ 73/20

Sarajevo, 19. 12. 2020. godine

Na osnovu člana 64. stav 1. tačka b), člana 70. stav 1. 3. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo, te člana 41. Statuta preduzeća, na preporuku Komisije za javnu nabavku broj KZ 73/20 od 07.12.2020. godine, u postupku javne nabavke br. KZ 73/20 „**Kancelarijski materijal**“ donosi se:

ODLUKA
o izboru najpovoljnijeg ponuđača

Član 1

Postupajući prema Rješenju Ureda za razmatranje žalbi broj: JN2-03-07-1-2925-7/20 od 19.11.2020. godine, poništava se Odluka o poništenju postupka br. KZ 73/20 od 06.10.2020. godine u postupku javne nabavke roba: „Kancelarijski materijal“ – tender broj KZ 73/20 – Obavještenje o nabavci br. 247-7-1-117-3-237/20 objavljeno na portalu javnih nabavke dana: 10.08.2020.godine.

Član 2.

Prihvata se preporuka Komisije za javne nabavke o izboru najpovoljnijeg ponuđača broj KZ 73/20 od 19.11.2020. godine i ugovor za javnu nabavku roba: „Kancelarijski materijal“ – tender broj KZ 73/20 dodjeljuje se ponuđaču: „**Aero-Exclusive**“ d.o.o. Sarajevo ponuda broj: 01.09.2020. od 01.09.2020.godine, za ponuđenu cijenu od **14.991,11 KM bez PDV-a**, kao najbolje ocijenjenom.

Član 3.

Prijedlog ugovora o nabavci dostavit će se na potpis izabranom ponuđaču „Aero-Exclusive“ d.o.o. Sarajevo, po proteku od 10 dana, računajući od dana kada su svi ponuđači obaviješteni o izboru najpovoljnijeg ponuđača.

Član 4.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: KZ 73/20 od 05.08.2020. godine.

Javna nabavka je provedena putem konkurentskog zahtjeva.

Procijenjena vrijednost javne nabavke bez PDV-a iznosi: 15.000,00 KM.

Obavještenje o nabavci broj: 247-7-1-117-3-237/20 poslato je na objavljivanje na Portal javnih nabavki dana 10.08.2020. godine i ispravka obavještenja o nabavci broj: 247-7-1-117-8-243/20 od 20.08.2020. godine

Komisija za javnu nabavku imenovana je Rješenjem br. 50/20 od 25.06.2020 godine i dodatni članovi komisije imenovani dopunskim Rješenjem, izvod br. KZ 73/20-1 od 05.08.2020. godine.

Komisija za javnu nabavku dostavila je dana 14.12.2020.g. Preporuku o izboru najpovoljnijeg ponuđača broj KZ 73/20 u postupku javne nabavke roba: „Kancelarijski materijal“- tender broj KZ 73/20.

Komisija za javnu nabavku je sačinila odgovarajuće zapisnike u kojima je utvrđeno sljedeće:

Za predmetnu javnu nabavku dostavljene su tri (3) ponude ponuđača:

1. Ponuđač: „PLAN PLUS“ d.o.o. Zenica;
2. Ponuđač: „SVJETLOSTKOMERC“ d.d. Sarajevo;
3. Ponuđač: „AERO-EXCLUSIVE“ d.o.o. Sarajevo.

- Da su blagovremeno zaprimljene: tri (3) ponude ponuđača:

1. Ponuđač: „PLAN PLUS“ d.o.o. Zenica;
2. Ponuđač: „SVJETLOSTKOMERC“ d.d. Sarajevo;
3. Ponuđač: „AERO-EXCLUSIVE“ d.o.o. Sarajevo.

Nakon izvršenog otvaranja ponude, Komisija za javne nabavke je dana: 02.09.2020. godine pristupila pregledu i ocjeni pristiglih ponuda u formalnom smislu: oblika ponude (numeracija, uvezivanje i dr.), cjelovitosti odnosno potpunosti ponude, dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji, pregledu ostale zahtjevano dokumentacije, aneksa-priloga i pregledu ponuda sa aspekta postavljenih tehničkih zahtjeva u pogledu opisa predmeta nabavke i tehničke specifikacije, kao i ostalih postavljenih tenderskih uslova a o čemu je dana 03.09.2020. godine sačinila Zapisnik o pregledu i ocjeni ponuda, broj KZ 73/20 i Preporuku o poništenju predmetnog postupka javne nabavke, broj KZ 73/20.

U pomenutom Zapisniku o pregledu i ocjeni ponuda komisija za javne nabavke je konstatovala da nijedna od primljenih ponuda nije prihvatljiva čime su se stekli uslovi iz člana 69. stav 2. tačka d) ZJN za poništenje postupka javne nabavke, te je dala preporuku Ugovornom organu da za predmetnu nabavku donese odluku o poništenju postupka javne nabavke.

Na osnovu preporuke komisije za javne nabavke, ugovorni organ je dana 06.10.2020. godine donio Odluku o poništenju postupka javne nabavke, izvod broj KZ 73/20, te je odluka istog dana dostavljena svim ponuđačima u postupku.

Dana 09.10.2020. godine, elektronskim putem (e-mail) a nakon izvršenog uvida u ponude, zaprimljena je žalba ponuđača: „AERO-EXCLUSIVE“ d.o.o. Sarajevo na pomenutu odluku o poništenju postupka.

Ugovorni organ, smatrajući da su svi istaknuti žalbeni navodi neosnovani, dostavlja žalbu zajedno sa izjašnjenjem na žalbu i kompletnom dokumentacijom Uredu za razmatranje žalbi na odlučivanje po žalbi.

Ured za razmatranje žalbi BiH, Filijala/Podružnica Mostar, je dana 19.11.2020. godine donio Rješenje broj JN2-03-07-1-2925-7/20 kojim se usvaja žalba žalitelja „AERO-EXCLUSIVE“ d.o.o. Sarajevo, poništava se Odluka o poništenju postupka, broj KZ 73/20 od 06.10.2020. godine, te se predmet vraća ugovornom organu na ponovno odlučivanje.

Postupajući u skladu sa navedenim rješenjem Ureda za razmatranje žalbi BiH, Komisija za javne nabavke je pristupila ponovnom pregledu i ocjeni dostavljenih ponuda, te konstatovala sljedeće: Komisija je utvrdila da dostavljene ponude ponuđača „PLAN PLUS“ d.o.o. Zenica, „SVJETLOSTKOMERC“ d.d. Sarajevo i „AERO-EXCLUSIVE“ d.o.o. Sarajevo ispunjavaju zahtjevano tenderske uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđač		
		„PLAN PLUS“ d.o.o. Zenica	„SVJETLOSTKOMERC“ d.d. Sarajevo	„AERO-EXCLUSIVE“ d.o.o. Sarajevo
1.	Tačka: 13 TD: Izjava o ispunjenosti uslova iz člana 45. stav (1) tačka od a) do d) Zakona o javnim nabavkama – Aneks IV; Prilog 3.	DA	DA	DA
2.	Tačka 14.3 TD: Original ili ovjerena fotokopija Aktuelnog izvoda iz sudskog registra ovjerena od strane nadležnog organa – Sud, Opština ili notar (ili Rješenja o registraciji) ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA	DA	DA

Komisija konstatuje da ponuđači „PLAN PLUS“ d.o.o. Zenica, „SVJETLOSTKOMERC“ d.d. Sarajevo i „AERO-EXCLUSIVE“ d.o.o. Sarajevo dostavili zahtijevanu dokumentaciju kako je navedeno u tabelarnom prikazu, te isti ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je sljedeće:

R. br.	Ostala zahtjevana dokumentacija/aneksi-prilozi	Ponuđač		
		„PLAN PLUS“ d.o.o. Zenica	„SVJETLOSTKOMERC“ d.d. Sarajevo	„AERO-EXCLUSIVE“ d.o.o. Sarajevo
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 4.	DA	DA	DA
2.	Tačka: 16.TD pod 1: Obrazac za ponudu – Aneks II; Prilog 1.	DA	DA	DA
2.1	Tačka: 16.TD pod 1.1.: Popis dokumenata uz ponudu koji čini sadržaj ponude – Aneks II; Prilog 1	DA	DA	DA

R. br.	Ostala zahtjevana dokumentacija/aneksi-prilozi	Ponudač		
		„PLAN PLUS“ d.o.o. Zenica	„SVJETLOSTKOMERC“ d.d. Sarajevo	„AERO-EXCLUSIVE“ d.o.o. Sarajevo
3.	Tačka: 20 TD: Obrazac za cijenu ponude – Aneks III; Prilog 2	NE (nije dostavljen Obrazac za cijenu ponude definisan izmjenom tenderske dokumentacije)	U Obrascu za cijenu ponude nije popunjena rubrika pod rednim br.5. „Broj i datum ponude“	DA
4.	Tačka 31 i 36 TD: Nacrt okvirnog sporazuma – Prilog 6.	DA	DA	DA
5.	Tačka: 31 i 37 TD: Nacrt ugovora o javnoj nabavci – Prilog 7.	NE (nije dostavljen Nacrt Ugovora o javnoj nabavci definisan izmjenom tenderske dokumentacije)	DA	DA
6.	Tačka: 43 TD: Povjerljive informacije – Prilog 5.	DA	DA	DA

-Pregledom ponude ponuđača „SVJETLOSTKOMERC“ d.d. Sarajevo, konstatovano je da isti u dostavljenom „Obrascu za cijenu ponude“ - Aneks III, Prilog 2. nije popunio rubriku - stavku pod rednim brojem 5. „Broj i datum ponude“.

Nepopunjavanjem navedene rubrike traženim podacima, ponuđač nije ispunio zahtjeve ugovornog organa odnosno nije postupio u skladu sa tačkom 20. tenderske dokumentacije „Obrazac za cijenu ponude“ koja određuje da se Obrazac za cijenu ponude koji je dat kao Prilog 2. tenderske dokumentacije – Aneks III, priprema u skladu sa zahtjevima iz tenderske dokumentacije i da su ponuđači dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu, te da u slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena.

Tačkom 21. tenderske dokumentacije „Način određivanja cijene ponude“ definisano je da ponuđač treba popuniti Obrazac za ponudu i Obrazac za cijenu ponude u skladu sa svim podacima koji su definisani Aneksom II, Prilog 1. i Aneksom III, Prilog 2. tenderske dokumentacije, a što navedeni ponuđač nije učinio.

U tenderskoj dokumentaciji je naglašeno da ponude koje nisu potpune i koje ne ispunjavaju zahtjeve iz tenderske dokumentacije ugovorni organ će u skladu sa članom 68. stav (4) tačka i) Zakona odbaciti kao neprihvatljive. Da bi ponuda bila prihvatljiva, treba da zadovolji sve uslove i zahtjeve tenderske dokumentacije.

S obzirom na navedeno, komisija konstatuje da ponuda ponuđača „SVJETLOSTKOMERC“ d.d. Sarajevo ne ispunjava zahtjeve ugovornog organa tražene tenderskom dokumentacijom, te

se ponuda ovog ponuđača u skladu sa odredbama članom 68. stav (4) tačka i) Zakona o javnim nabavkama odbacuje kao neprihvatljiva i ista nije predmet daljeg razmatranja.

-Pregledom ponude ponuđača „PLAN PLUS“ d.o.o. Zenica, konstatovano je da isti u sklopu svoje ponude nije dostavio izmijenjeni Obrazac za cijenu ponude (Aneks III; Prilog 2.) i nije dostavio izmijenjeni Nacrt ugovora o javnoj nabavci (Prilog 7.), koji su objavljeni u okviru izmjene tenderske dokumentacije na Portalu javnih nabavki dana 20.08.2020. godine.

Iako je navedeni ponuđač preuzeo izmjenu tendersku dokumentacije, što je konstatovano iz Izvještaja o preuzimanju tenderske dokumentacije od strane ponuđača (kreiran u sistemu „E-nabavke“ dana 01.09.2020. godine), isti nije postupio u skladu sa izmjenom već je u sklopu ponude dostavio Obrazac za cijenu ponude, kao i Nacrt ugovora o javnoj nabavci koji su ranije bili sastavni dijelovi tenderske dokumentacije prije izvršene izmjene.

S obzirom da su izmijenjeni Obrazac za cijenu ponude, kao i izmijenjeni Nacrt ugovora o javnim nabavkama sastavni dijelovi tenderske dokumentacije, to je ponuđač bio obavezan pripremiti svoju ponudu na navedenim aneksima (obascima) i priložima, a sve u skladu sa tačkom 16. tenderske dokumentacije „Sadržaj ponude i način pripreme ponude“.

Navedenom tačkom je definisano da je ponuđač obavezan ponudu pripremiti na aneksima (obascima) i priložima koji su sastavni dio tenderske dokumentacije, te pri pripremi ponude ponuđač se mora pridržavati zahtjeva i uslova iz tenderske dokumentacije.

Imajući u vidu gore navedeno, komisija konstatuje da ponuda ponuđača „PLAN PLUS“ d.o.o. Zenica ne ispunjava zahtjeve ugovornog organa tražene tenderskom dokumentacijom, te se ponuda ovog ponuđača u skladu sa odredbama članom 68. stav (4) tačka i) Zakona o javnim nabavkama odbacuje kao neprihvatljiva i ista nije predmet daljeg razmatranja.

- Pregledom ponude ponuđača „AERO-EXCLUSIVE“ d.o.o. Sarajevo, konstatovano je da isti u Izjavi (Obrazac za ponudu - Aneks II; Prilog 1.), za stavku pod rednim brojem 4. „Preferencijalni tretman domaćeg“ nije zaokružio niti jednu od ponuđenih opcija a) Naša ponuda *ISPUNJAVA uslove za primjenu preferencijalnog tretmana domaćeg, te u sastavu naše ponude dostavljamo dokaze tražene tenderskom dokumentacijom* ili b) Naša ponuda *NE ISPUNJAVA uslove za primjenu preferencijalnog tretmana domaćeg.*

U vezi navedenog, Ured za razmatranje žalbi u svom rješenju broj: JN2-03-07-12925-7/20 od 19.11.2020. godine, je istakao da neozakruživanje nijedne opcije u Obrascu za ponudu – Aneks II smatra da se ponuđač izjašnjava na način da se na njegovu ponudu ne primjenjuje preferencijalni tretman domaćeg te ovaj propust nije i ne može biti razlog za odbacivanje ponude. Svoj stav Ured za razmatranje žalbi temelji na osnovu Mišljenja Agencije za javne nabavke broj 03-02-1-305-2/20 od 20.02.2020. godine u kojem je između ostalog navedeno sljedeće:

„...U situacijama kada neko od domaćih ponuđača ne dostavi dokaz da uživa preferencijalni tretman, Ugovorni organ ga neće diskvalifikovati po tom osnovu, već će njegovu ponudu tretirati isključivo po ponuđenoj cijeni...“.

Ured u svom rješenju ističe da je ponuda ovog ponuđača u svim drugim dijelovima uredno popunjena, zadovoljava sve uslove iz tenderske dokumentacije, tj. ista je prihvatljiva.

S obzirom da je Ured u svom rješenju naložio da se u ponovljenom postupku postupa po stavovima ovog tijela iznesenim u rješenju, to komisija konstatuje da se nezaokruživanje nijedne opcije po pitanju preferencijalnog tretmana u Obrascu za ponudu (Aneks II; Prilog 1.) smatra da se ponuđač izjašnjava na način da se na njegovu ponudu ne primjenjuje preferencijalni tretman domaćeg.

Ponudač „AERO-EXCLUSIVE“ d.o.o. Sarajevo je dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da je navedeni ponuđač ispunio sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Računskom kontrolom specifikacije ponude ponuđača „AERO-EXCLUSIVE“ d.o.o. Sarajevo konstatovano je da nema računskih grešaka.

Konstatovano je da ponuđač „AERO-EXCLUSIVE“ d.o.o. Sarajevo nije dostavio Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama.

Vrijednost ponude ponuđača „AERO-EXCLUSIVE“ d.o.o. Sarajevo iznosi 14.991,11 KM bez PDV-a.

U skladu sa rješenjem Ureda za razmatranje žalbi broj: JN2-03-07-12925-7/20 od 19.11.2020. godine i gore navedenih činjenica Komisija jednoglasno daje prijedlog Ugovornom organu da za nabavku roba: „Kancelarijski materijal“ – tender broj KZ 73/20 donese Odluku o dodjeli ugovora ponuđaču: „AERO-EXCLUSIVE“ d.o.o. Sarajevo, broj ponude: 01.09.2020 od 01.09.2020. godine, čija vrijednost ponude iznosi: 14.991,00 KM bez PDV-a.

Iz gore navedenih razloga, primjenom člana 64. stav 1. tačka b) ZJN, donesena je Odluka o izboru najpovoljnijeg ponuđača kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:
- Ponuđaču
- a/a



Direktor

Enver Hadžiahmetović
Enver Hadžiahmetović, dipl.ing.maš.